



新編博物策會卷之十五

福建省

福州府人物

屏石戴璟著

秦置閩郡漢設越都此是郡沿革之所以因也兩峽交
流十洋成市此是郡人物之所以盛也蓋福州之地東
帶滄溟南望交廣西接延平北睨淮浙乃百川繞繚之
會八郡形勢之魁也說者謂是邦風俗小人畏法君子
內文以今考之自晉宋文雅而士習丕變故夫人才迭
興久而益著者正如群星麗天光彩絢爛也豈非天下之
所快覩者耶請且陳之唐之時若林諤之博學而閩中
記十卷曲盡其理歐陽衮之能文而爲御史數年克稱



其職薛令之爲侍講而謝病東歸逸氣磊磊丹鳳之翔
千仞也周朴遇黃巢而罵賊被殺高節凜凜直金之試
百鍊也至於五代之時若林安之事母而閩王有湧泉
寺之號不謂之孝子乎謝文節之帥師而吳人有鐵龍
之號不謂之勇將乎沈崧林無隱皆仕吳越而有文集
傳於後世也陳貺謝德權皆仕南唐而有史治顯於當
時也逮至於宋勸錢俶入朝則有黃夷簡也辭別墅去
官則有張錫也蔡伯係擢童子科鄭洙擢三禮科王祖
道擢制科此皆天才縱逸而黃鰲之六歲工於詩許應
龍之五歲通於經潘柄之十六歲志於道尤世所難也
許將嘉祐進士第一陳誠之紹興進士第一蕭國梁乾
道進士第一鄭性之嘉定進士第一皆學識超異而余

復對策之不許唐璘對策不許潘炳對策不許尤人
所難也屢召不起而與周希子輩號爲四先生非陳烈
乎敢言不憚而與周端朝輩號爲六君子非楊宏中乎
陳襄薦官三十三人雖觸君上之怒不畏也鄭俠上疏
一十八事雖忤權臣之姦不顧也林槩之子希陳孔頌
之子韓皆父子合道而有政事者也陸蘊之弟藻王四
之弟向皆兄弟齊名而有文學者也從胡瑗而著明善
集者劉彝也而治水利尤長焉從晦翁而著經解者黃
幹也而知安慶有聲焉余深劾花菓之弊而至於補外
郡辛炳陳發運之弊而至於謫劔南皆盡忠於徽宗時
也黃祖舜爲樞密而奏秦熺之過黃龜年爲御史而劾
秦檜之罪皆盡忠於高宗時也詆三經者林之奇也獻

十策者王定國也林擇之與蔡季通齊名而草堂集鑿
鑿乎可觀也楊復與勉齋相友而儀禮圖井井乎有條
也黃洽以不欺為本而文集奏議溫如布帛也高頤以
好生為心而鷄窠叢覽艷若春葩也伸趙汝愚之冤者
徐節也其忠厚可知失劾史高之之惡者黃師雍也其
正直可知矣林駟之著源流之論鋪敘事實足以追班
馬之風陳祥道之著禮書樂書搜訂殘缺足以闡周禮
之緒余隅號克齋有文集而而林夔孫之著蒙谷程若
中之著槃澗皆有得於紫陽之傳也陳經號存齋有語
錄矣而陳德一之著橫舟劉康夫之著志述皆有聞於
聖賢之道也以至張翥朱倬李樛常從皆效勞於國也
林是陳貴誼趙汝騰王伯大皆効忠於朝也以元人物

言之陳尚德為之師而有書傳補遺易經解註焉以韓
信同為之徒而有書經講議三禮旁註焉王薦有摘瓜
之祥孝行之感乎地也林興祖有禱雨之應庶愛之動
乎天也鄭潛為庶訪使有經濟之才王都中為治中有
清白之操至於陳自新之精易數推皇極亦有可取也
逮我

朝人物尤傑然者曰張以寧使交趾不辱行人之官曰
陳仲元入翰林克共論恩之職陳祖為縣丞有名而軼
蛇之事尤循吏之異政陳暉為副使有名而解印之事
尤儒者之高致舉壬辰進士第一者馬鐸也彌獻十
之義萬古躡之舉戊戌進士第一者李驥也而改馬
驥之名一時榮之林誌為榜眼而恭勤趨事良吏也

其者為堦花而乞祿便養孝子也唐秦林碩皆按察
浙江而風采肅僚者凜如也洪英薩琦日庶吉士於公
材而文藻華國者炳如也天順以後人才愈盛先
轍五 呆暇論也

泉州府人物

文圃山叢竹亭此泉州教化之善也水畫丁金溪通此
泉州形勢之奇也蓋泉州之名始於唐景雲之時東南
瀕於滄渤西北接於廣閩形勝奇而秀氣於此乎鐘教
化善而上習於此乎勵此自唐以來人物卓異遺芳聲
著休烈者前後相踵輝煌簡策彷彿乎建寧之風矣顧
不為萬古之所膾炙者耶請且陳之唐之時歐陽詹與
進士於貞元而時謂之龍虎榜陳嘏與進士於開成而

上謂之琬琰器至於五代有康仁傑者為官於唐而
無私謁則其人可知矣以宋言之留從效封鄂國奏除
無名之歛而其弟從惠亦為觀察使有聲也劉昌言知
樞密不負趙普之薦而其子有方為員外郎有名也獻
四夷來王之賦者錢熙也而有雜言十數篇焉作躍洪
波待雷之句者黃宗旦也而有文集十餘卷焉王言徹
行水利於滁州也楊汲行水利於開封也曾公亮在中
書方厚莊重明練文法卓乎不可及矣而其子若廣以
嚴明稱其孫誕以正直顯皆有光於家也蘇紳受判官
極言時事寔諤不避凜乎不可近矣而其弟緘之
陞其子頌之杜僥倖尤有華於國也舉紹興進士第一
梁克家也而風度峻整謀國盡忠舉龍慶進士第一

從龍也而敷歷中外振綱整度江致堯與丘崇齊名而
著周禮解有名儒考訂之功留正與趙汝愚同相而著
詩文外制有大臣經濟之學呂夏卿脩唐書楊丙通春
秋而丙之論賊吏責在大臣其言不可易也吳罔著詩
集菁萬頃著詩話而罔之教諸生相繼科第其功不可
及也從學晦翁之門許升也而有恬澹之操同登文天
祥之榜陳龍復也而有忠義之節作中書制稿西清奏
議陳從易也而為龍圖學士激直少容撰經筵講議迪
祀輯畧洪天錫也而為端明學士清介不回曾孝序繕
城訓兵而嬰不測之禍謚之威愍無愧矣莊夏上書言
事而負有為之才任之待制無忝矣盧瞻學問該博於
詩集十數卷見之也薛舜俞學問淹貫於文集三百卷

見之也逮至於元丘葵著易勿解詩口義傳定保講太極
西銘皆可謂之名儒黃道賢禱天以延父壽呂祐奪刃
以救母命皆可謂之孝子以至破安溪之寇著圭峯之
集非盧琦乎至於我

朝賢主事則若倪維哲之決疑獄劉孔宗之勤職務良
御史則若羅潤之持公法張忠之平賊寇陳章應一縣
丞耳而學優庶幹之狀傳播於銓曹王彥英一行人耳
而持已端謹之名沸騰於輿論若夫崔惠居官被寇命
之不幸也罵賊被害節之難奪也此皆天順以前人物
而其後日益蕃盛不可以盡舉矣

建寧府人物

郡曰建安驛曰富沙軍曰鎮安此建寧沿革之異也山

曰起賢嶺曰折桂院曰考亭此人物濯磨之始也蓋邵名定於宋紹興之時東接括蒼北距上饒西南抵延平東北帶建溪有白鶴黃華之秀有龍首鷄籠之奇故碧水丹山江淹稱之綿地八百楊億誦之真所謂閩嶺之上流而東南之勝地也故夫人才與氣運俱新而絃誦相聞彬彬道義之鄉矣豈非青天白日奴隸亦知其清明者哉請具陳之漢以下人物不可考唐以來人物有足徵蓋昔之崇文學者少矣而始於顧野王其撰玉篇輿地記至今傳之以為士林之楷範也昔之登科第者少矣而始於葉京其舉進士為太常博士至今慕之以為簪纓之鼻祖也至於畫廬墓之誠致芝生之瑞非劉常乎唐之人物如此至於五代游簡言之力學林仁肇

之馭兵陳誨潘承祐皆以功業顯於南唐也江文蔚江為皆以節行重於江南者也此猶有可議者若夫有宋開國士氣聿新清介莫如楊徽之孝友莫如李虛舟楊億文格雄健懷王之夢不誣張靄忠義精淳彈雀之奏敢進楊偉之頌善鋪叙也翁挺之詩長諷詠也楊紘開倉賑饑劉夔發廩賑饑皆有官守而澤其民也魏掞之疏陳三事陳戩疏陳五事皆有言責而致其君也章得象為宰相痛抑僥倖矣而章望之撰明統章頌之棄科舉章叅之敗夏兵一門多才子也吳待問在禮部練習典章矣而吳育之作教條吳充之薦老臣吳安詩之敢諫諍一家多偉人也以詩贈林逋者黃允迹其孤高之操閑鷗立海之狀也以書薦寇準者潘慎脩考其寬厚

之心泰山含垢之量也陳升之不肯奉條例盖有恠於青苗之行甚矣病民乎周因不肯事邊功盖有憂於燕薊之得適以召禍乎章衡舉嘉祐進士第一而編年通載之書雖范曄不若是之贍也徐夔舉祥符進士第一而鑄鼎物象之賦雖相如不若是之雄也陳軒進士第二而勸法文景之治對洋洋也陳師錫進士第三而力辨蔡京之姦氣堂堂也葉康直本縣令也而有清如水平如衡之誼不謂之循吏乎謝枋得本宋臣也而有招不來麾不去之節不謂之忠臣乎劉韜之使金深盡臣子之義而謚爲忠顯矣若劉子羽之計除范瓊劉子翬之講學屏山劉珙之力裁近習皆韜之子孫也胡安國之著傳深得春秋之旨而謚爲文定矣若胡憲之教授

晦翁胡寧之脩纂父傳胡寅之撰管見胡宏之撰知言皆安國之子弟也周武仲周常皆徽宗時善於建白也魏行可呂祉皆高宗時死於顛沛也翁彥國之責邦昌而討賊之義肅然如霜鄭穀之折苗劉而復辟之功屹然如山註法言者宋咸註大玄者吳秘而政刑二字之賜尤足光榮也精象數者而緒精歷數者丘濬而卦圖千載之布尤爲穎悟也柳耆卿工辭章而范鎮稱之黃晞號聲隅而韓琦薦之在諫垣一月上疏七十餘范致虛不欺所事矣在憲臺十月奏議二十卷黃鏗不負所學矣張泌爲尚書而仁宗悼之曰朕將大用不意遽亡張詵爲轉運而神宗稱之曰朕閱所奏令人了然以卦氣自莖而號冲晦處士徐復其人也以道學自勵而號

白水先生劉勉之其人也謝麟令石首而有謝公隄之
號足以當循良之名徐適宴瓊林而有留宮花之詠足
以慰寒酸之志以呂惠卿之貴盛而吳執中爲之舅友
與之踈豈屑於附米山乎以秦檜之專橫而范如圭爲
之師反爲之排豈屑於媚奧龜乎曾鞏之作記似也而
張伯玉終不合意其所得必有奧妙者胡瑗之論樂似
也而阮逸終與之辨其所造必有默契者從容仁義集
諸儒之大成朱熹也而其子在乞罷楊雄其孫浚卒死
元兵至塾爲中散鑑爲總管有作之有述之矣博覽群
書窮律呂之本原蔡元定也而其子沉論著書傳其孫
抗疏奏權姦至於節齋之淵覺軒之謨有唱之有和之
矣曹脩古曹脩睦兄弟之廉直也而覲之罵賊殺身尤
足以光先人焉游酢游醇兄弟之儒碩也而真德秀之
發剛大學充足以承道統焉徐應龍徐榮叟父子也一
謚文肅一謚忠簡游九言游九功兄弟也一知光化一
知慶元作事文類聚者祝穆也而此外又有方輿勝覽
作翰墨全書者熊禾也而此外又有四書標題熊克著
諸子菁華帝王經譜劉燭著講堂故事雲莊外藁江贄
號少微先生而作通鑑節要博而約也袁樞試辭賦第
一而作易傳解義正而精也趙士儂之救岳飛一雪人
情之憤詹體仁之論孝廟名合衆議之公以元言之楊
載工於詩而與虞集范梈名萬世皆傾耳也葉景仁
傷於賊而有子雋募士報怨九泉可瞑目也至於我
朝徐琦江鐵一爲科官一爲道官皆得大體潘賜張珂

一在禮部一在吏部皆著令名至於傑出人才有楊榮
馬入閣典機務果斷之才古又累官居師傳輔導之益
良多著三楊齊名之美撰兩京類藁之文天順以後人
才查出尤不可枚舉矣

延平府人物

金良弼記雙溪樓曰劍溪環其左樵川帶其右楊時記
資聖院曰崇山峻嶺爲郭郭驚湍激流爲溝池蓋甌閩
占溪山之雄而延平當水陸之會清明偉麗爲七閩襟
喉以其沿革考之卽周之閩越秦之閩中漢之東冶宋
之南劍而延平之名創於唐也生是地者民以農桑爲
業士以詩書相勸自諸儒講明道義而流風愈昌熾矣
愚嘗上九龍之山登百花之巖觀七星之井升六桂之

堂拜四賢之祠而延平人物有可言者請具陳之唐以
前人物不可考矣五代之時若陳陶與宋齊丘不合而
築室西山下嘉遯之志超然鷹隼高飛矣廖居素諫後
主不聽而朝衣死井中無躬之忠赫然日月爭光矣以
宋言之陳世卿爲轉運使而除計口買鹽之制其爲民
造福何大也陳僖知惠州而除豐湖魚租之害其爲國
立法何寬也熊禦巴州之賊者張若谷之爲推官也其
才畧可知矣不棄橋南之民吳輔之爲推官也其仁慈
可想矣林積得北珠一囊而悉散原主卒之不惟第進
士而子爲吏部侍郎積善之報何其速哉王必正置義
田五頃而悉贍宗族不惟累官朝請大夫而子皆登進
士第陰德之應何其昭哉黃裳遇迅雷而詩曰風雷昨

夜破枯株借問天公有意無其後果爲狀元天機相契也胡璞吊李白而詩曰當時醉弄波間月今作寒光萬里流其詩能發精蘊豪邁相類也方新法之力而周諤不奉行有周夫子之號其孟子解意可覆視也方蔡京之橫而陳瓘不肯阿有了翁之號其尊堯集可展誦也程頤沒而楊時獨得其傳真足以秉斯道之旌麾矣至於陳淵之撰默堂集豈非龜山之婿乎楊時沒而羅從彥獨得其傳真足以任斯文之正印矣至於李侗之撰延平問答語錄豈非豫章之徒乎鄧肅一太學生也而遇事敢言雖幹離不留之而忠肝義膽不之餒也曹輔一秘書正字也而上疏極諫雖張邦昌脅之而剛心勁氣不之沮也羅薦可不從僞赦而數日果遇詔旨有忠有智也廖剛不附權倖而四子皆秉麾節有作有述也受學於李延平者羅博文也而卒官之日囊貲無餘蓋廉視金玉而有不富之富焉受學於朱晦翁者廖德剛也而交薦之日固辭不起蓋銖視軒冕而有不貴之貴焉以經史篤志而終於尚書吾得一馮初心焉以忠簡持身而終於侍郎吾得一黃伯固焉以元言之有陳君用者爲副都元帥而死於紅巾之寇有張昇者爲儒學提舉而死於陳友諒之亂至於我朝張智在禮部才識卓異而禮樂制度多所建明楊州珉爲縣令才剛果決而奉新溧水俱有政績至於陳山者始爲給事中鷹鷂之操也終爲大學士龍虎之遇也天順以後人才相繼不絕而吾不得悉數之矣

汀州府人物

讀陳軒之詩而知汀州之形勝鍾於山水讀陳一新之碑而知汀州之氣習類於中州蓋其南通交廣北達江右隣贛吉接潮梅在山谷斗絕之地實甌閩與壤之區以其沿革言之卽周之七閩地而開元始開福撫二州山洞置汀州蓋以長汀溪名之也人生其間島居者安魚鹽之利山居者任耕織之勞君子質直好義小人愿慤少文而人才有可言矣豈可以其剛愎好鬪輕之乎請具陳之唐以前人物不可考矣爲御史中丞者伍正已也秉道嫉邪急流勇退爲零都令者伍祐也爲文近古居官廉介此汀州人物顯於唐者也逮至於宋羅或扈至澶淵而有錦旂之賜必其勇畧足以拯屯也鄧登

收復熙河而有都統之擢必其智謀足以濟變也鄭文寶之題綠野堂也曰水暖鳧鷖行哺子溪深桃李卧開花有曾點之志也吳簡言之題神女也曰只因宋玉閑唇吻流盡巴江洗不清乃謝靈運之匹也賴紱以謀畧有爲招捕群盜而遷鎮南節度彭孫以勇敢自奮應募討賊而封隴西郡侯從胡瑗之學隱居鄉里而不出徐唐也至於赴召講易以忠悟上豈固執而不通乎好程氏之學調臨川簿而不就張良裔也至於單騎造賊以德化人豈腐儒而無用乎元之時則有賴祿孫挈母入山而毋不爲賊所害攜妻逃難而妻不爲賊所污此孝行所感也至於我

朝張顯宗爲交趾布政使穷荒絕域之人感悅無貳王

英爲山西布政使窮邊絕塞之地幹旋有爲今人才之
出視前不少矣吾未可悉數之也

邵武府人物

自尹洙知光澤而士風爲之變不但雲巖院傳授之真
自葉祖洽賦瑞榴而氣運爲之新不但魁星亭顯融之
異蓋邵武之地前據重岡後帶鹿水其土曠夷其勢蜿
蜒居四州之上游爲甌閩之西戶以沿革言之吳曰昭
武又曰樵川而邵武之名始于晉也人生其間雖士俗
剛獷易動難安然觀讀書堂雲谷院會文軒而知以儒
雅相尚有遺意也然則人才有可言者矣請具陳之唐
以前人物不可考矣若黃桓廬墓而貞觀之中表其門
張臣錢廬墓而永淳之初蠲其役此唐之人也至於有

宋龔慎儀使廣南遇害矣而有子穎以笏擊賊鬼神鑒
其誠杜杲援滁州制勝矣而有子庶以謀行邊大羊畏
其威吳處厚請封程嬰公孫杵臼所以崇氣節也任希
夷請謚周敦頤程頤所以尊道學也李巽之及第也詩
曰當年踪跡困埃塵不意乘時亦化鱗心雖隘而詩奇
矣黃通之詠元夕也詩曰疑是嫦娥弄春色彩雲移下
一天星理雖放而詩豪矣上官凝卻餽獻有冰蘂之操
高照決訟獄有權鑑之明黃履救鄒浩合天下之公矣
而其孫伯思號雲林子經史皆所淹貫也李綱官三朝
負天下之望矣而其孫東爲廬陵簿時論多所推重也
葉祖洽擢進士第一讀其策能貫穿古今宏放之才有
浩然決河之勢鄒應龍舉進士第一考其迹遂游憇南

谷高邁之節有蕭然出塵之想作無我論而著筆錄十
卷盧奎也作射熊賦而擢廷試第一施宜生也上官均
論王安石直可尚矣而杖妖巫之義我社卓然異政何允
劾秦檜忠可尚矣而臺溪諸說粹然雅論黃中廷試第
二而朱熹稱之曰再拜堂下願爲弟子有奏議可考也
李方子中進士第三而朱熹稱之曰觀公爲人自是寡
過有傳道精語可宗也李昫祖李杜祖皆舉進士而有
爲真德秀薦於朝者饒幹李郁皆慕道學而有爲朱子
誌於墓者黃伸黃僅皆以兄弟齊名者也吳京吳點皆
以兄弟效用者也謝如意以恩信降賊其誠之動物乎
韋昭德以經義進講其忠之事君乎以忠罷官者非范
如圭乎此則流禹之人矣以義責盜者非高談乎此則
勇畧之徒矣元之時則有黃清老著四書一貫春秋經
旨理學何浹洽也有李學遜著易精解中星儀象等圖
文學何淵泉也黃鎮成以道學自力不以貞文之謚見
之乎郭回以孝行自持不於傭葬之事見之乎至於我
朝有謀賤生者始爲縣尉有廉介之德終於僉憲有激
揚之才天順以後人才亦不乏吾未得悉舉之也

興化府人物

觀嵩山三字棋山五奇至於烏頭巖雲頂峯而知興化
山川之奇異於他郡觀三賢有祠九牧有墓至於登瀛
閣東井堂而知興化人材之盛甲於中原蓋其地北枕
陳崑南揖壺公東薄蘭溪西繁寧海介泉福之間富舟
車之會以其沿革言之隋置莆田唐置仙遊而興化之

名始于宋也是雖僻在南隅而詩書禮樂磅礴於積有
齊魯遺風蓋常袞入閩延禮英俊而文風嘘扇後造如
林有自來矣使天下而皆若郡則比屋可封之俗豈得
專美於帝王之世乎請具陳之唐以前人材未之聞也
而唐之時有可言者林攢廬墓三年而致甘露之祥孝
子也卒之詔立雙廟而有闕下林家之號焉鄭良士獻
詩五百篇有諷諫之義才子也卒之授官四門而有御
史中丞之遷焉以言乎林披李栖筠薦之而九子有九
牧之號義方之教已溢於一家矣以言乎林蘊劉闢曾
之而有顏奴砥石之語正直之氣可奪乎三軍矣為御
史而知名者林藻蓋舉進士於貞元中者也善屬文而
著秀句集者黃滔蓋舉進士於乾寧初者也以宋人物

言之風度醞籍博涉文史學士院潘慎脩也辨剛疑獄
安撫江南御史臺方偕也不附章惇者朱袞陳大卞而
袞之編黨籍不為勢利所撓可知也不附蔡京者方軫
陳次升而軫之流嶺南不為威武所屈可知也排王安
石而焚新經之板黃隱之為司業也以君臣相得威權
赫奕之人而能排之非正學能之乎惡曾布而進安靜
之說傅楫之為待制也以兄弟用事氣勢熏灼之人而
能惡之非義士能之乎在州兩彼褒詔則有方次彭焉
在廟堂憂其民也布衣上奏十事則有方公衮焉在江
湖憂其君也薛奕與徐鐸同登科第宋神宗贊之曰一
方文武魁天下萬里英雄入彀中斯言也金石之譽也
鄭鑑為著作郎立朝敢言孝宗謂之曰直出於肺腑非

矯僞者斯言也華衮之褒也林冲之副陳過庭使金以
義命自安可謂之忠矣其從子震以進士不附二蔡而
有砥柱之操其少子霆以進士不附秦檜而有掛冠之
勇一門之節義何彬彬耶陳膏佐張克戩捍金以謀畧
自奮可謂之能矣其子居仁惡秦檜而不與之接且有
制藁之傳其孫卓惡吳潛而不爲之交卒有清敏之謚
一家之中義何濟濟耶葉顥爲承節郎而能死節固矣
且有弟顥爲知州而絕羨餘之供可謂之忠臣良臣劉
夙爲著作卽而熊直奏固矣且有弟朔在翰林而獻秘
書之策可謂之難兄難弟紹興進士第一黃公度也咸
淳進士第一陳文龍也而文龍之節義文章何啻百鳥
啾啾而鳳凰獨鳴者乎紹興南省第一鄭厚也乾道進

士第一鄭僑也而僑之令名大節何啻感寒凜凜而松
栢後凋者乎精於象數則有張弼焉而謂之葆光處士
宜也博於論辨則有鄭樵焉而謂之夾漈先生當也五
出知府兩爲部使陳覺民也而風采端峻警乎姦頑蓋
其所養必不在功名者始遊太學後客錢塘郭義重也
而孝行矜持補乎風化蓋其所學必不在詞章者有曜
軒集者王邁而曰臣不可欺君君不可欺天則至論也
歷官七郡者林豫而曰怒髮衝冠壯心比石則允蹈也
阮駿陳淬皆殺身於紹聖之初而方臘之亂守死不屈
者宋旅也是皆有餘於節者陳吉老林光朝皆效力於
備邊之日而石隄之築賊至不犯方信孺也是皆有餘
於才者陳俊卿爲侍御史劾黜秦檜而其子必懷慨盡

言敷陳三事俊卿可謂有子矣蔡襄知諫院卿論唐介
而其孫洸分俸濟貧囊無餘皆襄可謂有孫矣陳諱博
學能文雅有典則夫何忝於太羹玄酒之號劉克莊學
貫古今文迫騷雅夫何愧於孤峯絕岸之名方大琮為
御史而上疏曰明綱常則求天命定國勢可謂明達國
體也葉大有為御史而上疏曰惜名器惜才力惜民命
惜天時可謂切中時弊也至若龔養良之為參知政事
也論禦敵之得失則曰景德之勝本於能斷靖康之禍
由於致疑此其才智之明也論中外之覬恩則曰此當
以一身任怨不當愛身弊天下此其德操之方也逮至
于元陳旅聞見該博而有安雅堂集後世人誦之宜其
為虞集所愛也朱文憲博學于屬文而有葵山文集後世

家傳之宜其為宋濂所稱也至於郭道卿之守孝子祠
而與弟爭死於盜賊之手兄弟之情可蹈水火矣郭廷
熈之棄官侍養而一夕髮白於護病之頃父子之義我可
通神明矣若夫我

朝人物尤可得而言者吳源以明經而為教授講明經
旨而人才有成識者擬之棟梁林圭以明經而為教諭
六典文衡而經學無比說者擬之冰鑑林環肆筆成章
而為永樂進士第一有取士得人之效其立身以名節
勵尤可重者黃壽生端重博瞻而為永樂京闈第一有
預脩大全之功其居家以孝弟倡尤可嘉者至於楊慈
以進士在翰林撰文章有懸河之才何性資穎敏也鄙
文辭為儒者之末何志氣軒昂也惜乎壽不足以展其

能官不足以究其用矣天順以後人材基布星列君子豈可以枚舉乎

漳州府人物

張成大之咏西湖也曰水繞漳城湖已平向來有記出公卿則知是郡山川之傑足以鍾英俊林宗臣之賦丹霞嶼也曰禮接紫陽風借厚學傳東魯道源賒則知是郡人物之異足以跨古今蓋漳極閩之南一水清流列峯秀出衿喉嶺表控引番禺張登所謂境曠穷山外城標漲海邊正此謂也其名則始於唐垂拱中析福州西南境置漳州蓋以南有漳水名之也說者謂漳借悍強難治然樂善遠罪非七州之比是故山曰名第而志於功名者起矣院曰龍江而志於道德者起矣然則人才

之出豈不有可言者乎請具陳之唐以前人物不可考於唐吾得一周匡物周匡著焉以一家兄弟登兩榜科日固一時之俊實一郡之光也逮至干宋劉棠與陳補翩翩乎辭賦之聲顏師魯與顏頤仲燁燁乎銓曹之望與陳東上書者高登而有東溪集氣節豪邁可想也與陳知柔友善者吳儼而有省齋集筆力雄壯可誦也王遇從朱熹學而有論孟講義兩漢博議著述之富如此故東淵先生之號播之衆口陳淳從朱熹游而有四書口義禮詩女學辨論之精如此故北溪先生之號垂之汗青以元言之胡景清之尋母而涕泣不已抵於幽州孝心何懇篤也王吉才之喪父而哀慕不已至於終身孝行何精純也陳君用值亂賊所攻而襲殺之其才有

可稱者蕭景懋為亂賊所執而卒死之其節有可嘉者
至於我

朝林弼使安南有辭驢之操劉宗道為都憲有運籌之
才林震舉進士第一人辭疾不仕乾之潛龍也謝璉舉
進士第三人感激有為泰之馮河也林瑜王昇皆有決
獄之才而居法曹于時豈有冤民乎汪凱王源皆有經
世之術而歷藩郡于時豈有弊政乎此天順以前人物
而其後未暇論也

新編博物策會卷之十一終

新編博物策會卷之十六

廣東省

廣州府人物

屏石戴璟著

夷夏與區仙靈窟宅王勅廣州之碑也荒服善郡炎裔
涼墟劉禹錫連州之記也蓋其地北距五嶺南負重溟
連山隔其陰鉅海敵其陽歐陽子所謂山秀水清卓有
可愛乃南海一大都會也以其沿革言之春秋為南越
而秦為趙佗所據漢武改為交州刺史東漢治番禺吳
治龍編而廣州之名所由創矣生是地者雖俗雜五方
而典禮無異中州也然則人才豈不間見而曾出請其
陳之漢有董正辭漢末之徵清白不變而上為之旌其

門唐有何昌期當祿山之亂戰陣有功而上為之封其爵區册本德宗時人也韓子為文送之曰升階儀觀甚偉坐語文義卓然劉瞻本懿宗時人也僖宗為制褒之曰安數畝之居仍非已有却四方之賂惟畏人知五代之時黃損有桂香集而宋齊丘論事以為天下不可及也孟賓有金齧集而陳堯佐序以為詩人未有過也至於出獵而有扣馬之諫幸鄴而有伏閣之諫非何澤乎宋之守下是洪從征南漢而除颶風之害者邵晔也崔與之制置四川而劾董宋臣之姦者李昉英也馮元多識古今品式而來章靖之謚黃勳抄錄聖賢格言而授朝散之官馬持國上中興策略而有濟時之學張鎮孫舉進士第一而有復城之功羅威居增城而毋沒請

哀有白麻上墓之異伍隆起從崖山而力戰被殺有刻木為首之異郭閻論事鯁直而與崔與之三人共祀吳英戰勤勞而有子宗道三人皆顯至於棄舉業究正學則有李用也逮至我

朝何真初以歸附而累官布政東莞伯之封有由矣關敏以歸附而累官指揮有司立廟之命有自矣陳璉為桂林教授而博通經史羅亨信巡西北二邊而愛恤軍民天順以後人才相繼有光先烈吾未暇論也

韶州府人物

嶺南屬州韶為大皇甫湜作朝陽樓之記也北嶺峭險南谷平易徐浩作張文獻之碑也蓋韶州本春秋百粵之地而其名創於貞觀然咽喉交廣唇齒江相或謂之

溪山稱最或謂之江山秀麗生是地者樸而不雜淳而
不漓故士多愿慤朱熹言之嗚呼偉哉請具陳之漢晉
人物不可考矣南北朝之時有侯安都焉侯景入臺城
引兵平之唐之時有鄧文進焉蕭銑攻樂昌堅城守之
張九齡擢道侔伊呂之科而九臯爲之仲弟九章爲之
子弟皆有可稱也張九臯歷三州刺史之官而張杭爲
之子仲方爲之孫亦有可紀也五代之時有薛崇譽者
善孫子之法其謀略可以折衝死廣州之難其忠義足
以起懦以宋言之余靖試書判拔萃科而以鯁直與四
諫之列謚爲忠襄宜矣譚必試童子科而以伉直死交
趾之難謚爲忠愍宜矣王式以孝行稱而有子陶繼之
開五子登第之榮梅鼎臣以司諫鳴而有子佐繼之當
兩世登科第之盛蕭雄中蔡蕤榜蕭維中賈安宅榜蕭
雅中莫儔榜以兄弟而若此足以爲白屋之光矣鄧戡
舉天祐進士鄧堂舉皇祐進士鄧弼亮舉元祐進士以
祖孫而若此足以馳南土之聲矣李渤知白州郡人稱
之曰嶺北嘗聞夫子號江西曾振伯夷風侯晉升令程
鄉蘇軾稱之曰蒙示新論利害炳然文亦溫麗歎服不
已鄭敦義諫罷牛革之市鄧孝廉請廣歲飢之賑元有
鄧可賢焉乳源之急以身死之卒無一人之降人感其
義也我

朝有鄧顥焉永豐之寇以身死之卒有三品之贈上嘉
其忠也此皆天順以前人物而其後未暇論也

南雄府人物

南雄之郡固百越之襟會實兩路之喉襟以其名考之
或曰淩江或曰保昌此其沿革固不同矣生是地者雖
雜夷夏之俗然操翰墨以取青紫者比比相屬容可謂
秦無人乎請具陳之隋有麥鐵杖驍勇有力而死遼東
之難當時謚爲武烈唐有張九齡正直不阿而獻金鏡
之錄後世稱爲曲江公至於登景福進士遷袁州刺史
孔閏也宋之時徐信有平地風煙飛白鳥之詩鄧戒有
聯名喚弟兄之句許彥先以家學傳後而四弟之顯榮
譚煥以父任讓弟而八行之推舉王宣著確山之捷而
子世顯襲其官焉丘必明當元之逼而韶人立其祠焉
元有麥文貴仕爲學士與脩三史其才不可及矣我
朝有陳德文出使西域淹留十二年其節不易得矣天
順以後人才未暇論也

惠州府人物

李義山作惠州表曰越井之遺尉佗之舊余靖作惠州
記曰漢之名部越之沃野蓋左帶牛頭右據龍尾秦爲
南海漢屬越國者也其名則梁曰梁化隋曰龍川唐曰
海豐宋曰博羅此其沿革亦異矣人生其間雖有蘇軾
鍾鼓不分衣冠難辨之說然文物彬彬豈下他州者哉
請具陳之唐有軒轅集隱居羅浮而有徹聲色去滋味
哀樂不過德刑無偏之言宋有古成之克薦嶺嶠而有
寰中有道逢千載嶺外觀光只一人之句張宋卿以春
秋魁南省而在廷權貴爲之謝絕潘預以易學屈林東
而南州諸生爲之訓迪羅孟郊爲學士有光於興寧之

郡易青死廣賊不愧於連南夫之用我朝人物亦有可言者吾未暇論也

潮州府人物

閩陽兩越之界韓昌黎之味形勝也海邊鄒魯是潮陽陳堯佐之贊風俗也蓋潮州之地古爲閩越漢屬南越晉曰義安唐曰潮陽人生其間知尚經學始於韓公聯名桂籍始於太平興國矣請具陳之南北朝之時有程皎決鄉里訟而程鄉縣之得名自此始也唐之時有趙德爲鄉校師而邦人之知學自此始也宋則林巽投匭論事而所著有卦玄等篇草範先生其號也李關事母至孝而所著有文集北源先生其號也陳希伋薦馬錫有知人之明王大寶劾湯思退有去邪之勇許申之族

居官者三十八人而申爲之始然申卽陳堯佐薦其者也林從周之族居官者十有七人而從周爲之始然從周卽余靖銘其墓者也盧侗爲直講論熙寧之弊政劉允知化州辨吳川之冤獄張夔之清介顯於璽書勉勵之時馬發之氣節形於守城飲鴆之日逮至我朝周彥器之精通經學雖幼孤而有成蘇福之自少穎悟觀月詩而可見至於林祖母弟之尋得遇於十四年之後逮有司之奏得賜衣九套之榮天順以後未論也

肇慶府人物

考重和之際創肇慶之名謂之信安者隋也謂之古端者唐也以其疆域言之北望頂湖萬仞峙其後南瞻銅鼓四阜列其前白沙岡驅羊於其左腐柯山臥虎於其

右當五州之要路居廣東之上流人生其間雖夷獠相雜而有椎髻跣足之俗然土厚民淳而人才有詈者矣請具陳之南北朝之時有陳佛智焉守南靖之郡化蠻陋之俗唐之時陳龍樹刺六州而鎮俗輯姦陳集原累冠軍而負勇兼智莫宣卿舉大中進士第一今縣之金鏤村有狀元堂卽此人也劉隱封南海王其弟陟襲位稱帝至鋹卽其裔也逮至于宋李英死儂寇之難而一家殲於刃者十三人梁順孫化金坑之俗而鄉民送其棺者數百里李積中以直言入黨籍而四子皆躋從朝列譚惟寅以穎悟讀寺碑而一模卽能歸錄至於我朝李質以款附而官行省陳鼎以正直而官監察天順以後未論也

高州府人物

高州之地本牛女之分野實古越之封疆蓋其銅魚三山揖乎前寶峰絕頂拱其後漢謂之高涼吳謂之高興也生是地者戍日爲臘高欄爲居然被禮讓之化衣冠相尚者多也豈復文身斷髮之俗乎請具陳之馮盎在隋擊五州之獠而拜漢陽守在唐平諸洞之寇而封越國公宋之時鞠杲排章惇而甘心隸乎黨籍雖辱亦榮矣梁楚戰交趾而奮身戮於鋒刃雖死亦生矣紹興之間陳燾有送母葬之孝而兩目之瞽頓明矣方元之時羅郭佐有平海寇之功而一門之死尤難矣我朝人物亦有可觀者未暇論也

廉州府人物

廉州之地分於翼軫之星廉州之名創於貞觀之世古
為南粵秦為象郡漢曰合浦吳曰珠官大廉峙其東巨
海環其南乃南轅之窮途也生是地者雖有商賈東人
俚人蜚戶之雜然人性儉朴詞訟簡稀而人才有可言
矣請吳陳之唐之時甯悌原直書隱巢之事而白馬之
求黃金之贖不為介意也宋之時黃渙權知鬱林之州
而表之留奉表之勸可謂匪躬也李元方論廣西事
言切國體陳治安討陸川寇動合事機我
朝有韓珠焉為部屬為參政有可稱者矣天順以後未
論也

雷州府人物

雷州之名創於貞觀之末雷州之義本乎雷水之陽蓋
其地本秦之象郡隋之合州濱于炎海窮于服嶺雖其
州雜黎俗而人多嚮學也然則人物亦有可稱者矣請
具陳之宋之時有吳國鑑焉蘇轍編管築室館之而卒
以連坐元之時有孫希武焉徭蠻梗化作書招之而卒
以歸款陳杞深究性理而寇過之者曰勿犯陳教授家
其為人所慕如此也王景賢廣著政蹟而文宗賜之曰
愚谷其為上所敬如此也至於在官絕私謁得祿調鄉
貧非吳正卿乎我

朝之時林文亨舉鄉試第一而守淳謹之操吳宗直善
筆札詩文而居儀制之官天順以後未論也

瓊州府人物

海中洲居廣袤千里賈捐之之傳也四州環一島如度

月半弓蘇子瞻之詩也蓋其地在生黎孰黎之雜潮候
不類江浙欽廉然自漢末至五代中原遭亂之人多家
於此故衣冠禮樂班班然有可考矣請具陳之宋之時
姜唐佐從蘇軾之學而破天荒之句所以贈也陳孚從
宋貫之學而瓊人學業之盛自此始也王公輔善天文
而俗呼王六翁折彥質之賀不虛也王霄隱衡門而衆
推爲鄉先生初品孺人之封不偶也至於王進慶之事
毋亦可爲孝子矣元之時雲從龍爲參政撫綏有方蔡
微通經史隱居不仕至於我

朝王惠徙瓊山而有博洽之才辭徵辟而有截山之文
唐舟登甲申進士而大臣薦爲御史則其才可知矣王
克義登丙戌進士而大臣薦爲博學宏辭則其學可知
矣天順以後人才未論也

新編博物策會卷之十六終

新編博物策會卷之十七

廣西省

桂林府人物

屏石戴璟著

東控海嶺右扼蠻荒白居易論是郡之詞也水環湘桂
 山類蓬瀛李義山論是郡之文也蓋禹貢荊州天文軫
 翼居五嶺之表介兩越之郊楊萬里謂衡州亦以山
 水重天下李彥弼謂桂為西南會府襟亦帶海用兵遣
 將之樞此其形勝然也人生其間雖以溫飽為事然風
 氣清淑王禹偁有民訟甚簡之褒范成大習倍醇古
 之贊則夫人才不庶幾於江浙乎請具陳之唐之時則
 有曹鄴為吏部侍郎而工於詩趙觀文舉進士第一而

長於賦宋之時則有朱道誠朱揚善父子皆有孝行可稱唐諫唐孝穎父子皆以才能見擢唐則築館受徒以身帥下其師道固能立矣而有子叔夏叔敵相繼登第教授之功也石安民決獄平恕受知張浚其宦才固可取矣而有弟安行安持同號三石文章之盛也黃齊爲富川尉而殺曹成之黨且增鄉貢以爲額勸士之道也蔣允濟爲新化令而奪祝尚賢之官且減布帛以爲常愛民之事也王世則對廷試而魁虎榜才行推於衆也唐俊義對廷試而批龍鱗忠直根於性也蔣炳文以兵入援有功於大觀之時也李珙以死自奮盡節於南度之初也高宗未立而呂好問爲存社稷之計不愧尚書矣理宗未立而陶崇爲持久之說不愧經筵矣以我

朝言之劉淵以鄉薦而拜御史蹇諤有聲唐耕以知縣而擢御史庶能有迹至黃驥一爲黃門論貢馬之害三使西域得行人之體天順以後人才之出者亦不少矣吾亦安得而悉數之乎

柳州府人物

韓愈作柳州廟碑曰孝弟可嘉汪藻作柳州學記曰絃誦爲最以其地考之在古爲百粵在天文爲翼軫陳曰象郡唐曰龍城西接建武北拒慶遠山水清曠鎮壓諸蠻跨三邑之封而當牂牁龍江之沿流居巖嶠之表而爲番洞駱越之都會考其風俗雖以檳榔爲聘不事蚕作以鷄紉事不求醫藥然實運湖湘而人恥爲非則夫一邦之彥豈不間見於此哉請具陳之

澄州刺史壓服生蠻開拓化外此則武德之時也白聳
為義勝都將率衆毆賊盡奪財帛此則光啓之時也以
宋言之覃光佃在開寶時登第王之才在慶曆時登第
然博學能文則一也謝洪在宣和初出任謝澤在宣和
末出仕然博學有文則均也梁仲保宋仕堯皆死於智
高之難然斷首不仆奔馬始還士堯之忠勇何如哉栗
大用張亞卿皆仕於中葉之世然種學績文瀕老不衰
亞卿之篤學何如哉至於芾旻讀書甚富而有善禮之
號應舉不第而有白雲之號宋之人士又安知無志者耶
朝人才不見於史然天順以來安知無志者耶

慶遠府人物

寧宇記曰慶遠之地江山險峻宜陽志曰慶遠之倍居

民頗馴此乃古百粵之地天文翼軫之星秦屬象郡漢
為交趾或曰龍水或曰宜陽危峯疊嶂峙列如戟誠夷
蠻之控扼而嶺南之要害也考其民性輕悍人風獷戾
以甲兵為戰爭以岩穴為居止然仗義拙朴言語無異
中州者亦有矣請申之漢唐人物不可考矣宋之時莫
洪璿表求內附而給印領州擇君之明也何且三班借
職而厚善蘇軾好賢之誠也莫公晟為巡檢以撫字得
徃人之心唐儀鳳為知州以廉能有推官之擢常經為
進士而權攝州事燁燁有政聲黎志為知縣而政最加
勲綽綽有名譽至於馮京雋邁不群而作二試之元與
王魯同一文聲也中立不倚而兼兩府之權與文彥博
同一德望也我

朝之時雖未有考然方興而未艾矣

平樂府人物

清湘九疑犬牙相入自江至昭灘龍中分此是郡疆域之所以定也環以縈密匯以離樂峻嶺排漢亘數百里此是郡形勝之所以備也蓋禹貢荊州天文軫翼嘗以其沿革考之周為百粵秦屬桂林吳曰始安唐曰昭潭此其名之異也人生其間架木為巢編竹為戶重鷄卜好鼓笙若僻矣然人知為學有決科不乏之稱豈無所試者哉請申之漢唐以前人物絕不史見矣宋之時周渭為轉運而奏免重繁之稅宜其廟食於百世也毛溫為靈山簿而糾舉挫賊之兵宜其擢官於兩制也韓迥號山東野叟而李師中有詩送之曰未衰前已得懸車骨立清風八十餘林勳上政本十三篇而陳亮有辭贊之曰考古驗今思慮周密毛炳為三州巡檢而死於交人之難宜孝宗贈之以武烈公也毛士毅為石城令而死於李接之難宜高宗贈之以承事郎也毛經之決事而不廢於奕黃葆光之上疏而不辭於謫至於范祖禹胡銓鄒浩皆自中州而竄之於此也徐俯呂本中陳與義皆自外郡而居之於此也我朝人物雖不可考然何地無才要在上人之作興何如耳

梧州府人物

劉知幾論梧州之形勝曰地總百粵山連五嶺以丘翔賦蒼梧之形勝曰唇齒湖湘襟喉五羊蓋其也禹以荊州

天六牛女周為百粵地漢為南粵國極水陸之承桂
海之脉前引長江北比呂原阜在百粵五嶺之中連九疑
七澤之勝人生其間雖好射弓弩吹葫蘆擊銅鼓剛悍
輕生然良才秀民皆知好學圖經之言也衣冠禮度並
同中州容州之言也至於倍及淳古則蔡條言之然則
何地不生才者哉請具陳之西漢之時有陳欽工於左
氏春秋之學故有左氏春秋遠在蒼梧之號焉其子陳
元則有司隸督察三公之奏達為國之紀綱其孫陳堅
卿有文章之作通聖賢之旨趣以欽而有子有孫
如此可謂善作之善繼之矣東漢之時有士燮亦工於
左氏春秋之學且有達於從政謙恭下士之美焉其弟
士壹為合浦太守而威武震於百蠻其子士廡為武昌

太守而威信著於遠近以燮而有弟有子如此可謂光
於前裕於後矣至於丁蘭者刻母像而事之如生孝何
誠也擊張叔而木像垂淚孝所感也以唐言之李堯臣
第貞觀進士而賜登俊之號龐孝恭為遼東總管而有
破賊之功逮至於宋李時亮敵平邊十策而知廉州有
治聲秦懷忠應文學四舉而任雷州有寬政徐噩值儂
智高之叛奮力死戰墮身不悔至今思之令人毛聳也
潘盎值儂賊之虜正色嚴辭殺身不避至今想之令人
股栗也洗積中垣中庸皆以進士而政事之長相類也
李用謙李奉政皆以祭酒而文學之高相似也若夫古
之流寓於此者馮京自宜州而居於藤三試皆選文臣
之有政聲者也劉子羽自崇安而謫於白州百制勝

武臣之有謀畧者也秦觀至藤而有醉臥古藤 杳不
知南北之句王安中至鬱林而有宦遊梅嶺外訟訢榕
庭空之詩若夫李光之居藤吳元美之居容呂撫之居
梧皆取憾於秦檜遂謫竄於遐方也我
朝人物雖未有考要之

聖明御極文氣聿新固將有配先賢而崛起者矣

潯州府人物

兼三州之廣限二江之秀此潯州之山水所以足嘉也
土無氛惡之虞人無蠻獠之雜此潯州之民物所以易
化也蓋其地乃古百粵之地天文軫翼之星梁曰桂平
唐曰潯江左黔右鬱窮瘴山嶺之南鐘金秀峙映州郡之
宅人生其間椎髻簪器乃其舊風然自唐吳中以後並

服禮儀矣故其性純和朴實翁然有衣冠之風豈可以
鄰都嶠勾漏而少之哉請申之唐以前人物不可考矣
五代之時則有梁嵩仕南漢而有舉進士第一之科為
學士而獻倚門望子之賦蠲一郡之丁賦享百世之祠
祀逮至於宋陳坦然以書降賊而平二州之亂願就廷
試而歷三邑之官施才發解於省而有平蠻之功梁詔
提刑於廣而有廬墓之孝以我
朝言之王顯中知新平府而遺愛見思於人龍淵知懷
慶府而才能見推於
上天順以後固必有人才光映鄉評追配先哲吾未得而
悉數之也

南寧府人物

內為廣源外控交趾此杜祀之議也九洞襟帶列城唇
齒此余靖之頌也南寧之形勝如此以其沿革考之禹
貢揚州之西南天文翼軫之分野秦曰桂林晉曰晉興
唐曰明寧宋曰末寧狄青所謂金城之固銅柱之封卽
此地也其風俗尚鷄卜重鬼神人性輕悍然語言類襄
漢而人才亦有可言者矣請申之漢唐人物罕矣以宋
言之以進士上平賊之策任忠州刺史者石鑑也卒之
為安撫使何忝焉歷潯州司戶者梁世基也卒之為大
理丞何愧焉逮至我

朝顏仲和為浙江左布政而才行卓異足以典大藩黃
景信為山西右布政而歷官勤能足以任方面若夫有
王敏者始為湖廣御史風紀克振繼為交趾參議鎮撫
有方南寧人才固若此者矣天順以後人才亦可數者
吾未暇也

太平府

田州府

思明府

思恩軍民府

鎮安府

泗州

利州

秦議州

向武州

都康州

龍州

江州

思陵州

以上各府州人才絕不見於史冊故不錄

雲南省

雲南府

大理府人物

考雲南之地本周前之烏蠻楚王之滇國而其名則置
於漢武也考大理之地本漢之葉榆唐之南詔而其名

則於石晉也蓋雲南接吐蕃際黔巫大理峭山深塹襟山帶河本皆梁州之域井鬼之分野也人生其間雖雜百夷而習倍不同然何地無才固有可得而稱述者矣請具陳之雲南之郡漢有許叔入中國而授五經以理學而授本郡唐之時入成都而學義之事張志誠也刺河東而致夷風之變王仁求也元則有楊立義為騰衝同知而孝義見於成墳之日王昇為宣慰副使而經術見於作詩之間以大理人物言之唐有蒙歸義蒙伽異本祖孫也一則有逐洱蠻之功一則有入宿衛之勲至於異牟尋之歸命而克光乃祖段赤成之殺蟒而自喪其軀亦有可稱者矣元有段信苴福段信苴日本兄弟也一則有奏立賦之法一則有討諸爨之功至於楊昇為知事而討明玉珍為有勞楊寶為通事而征剽州為必克亦有可取者矣若夫尹仇寬為蒙氏官而貢方物於唐李紫琮為段氏使而觀聖像於宋則其人亦可知矣我

朝人物與日俱新吾未暇論也

臨安府

澂江府

蒙化府

曲靖軍民府

麗江軍民府

比勝州

金齒軍民指揮使司

諸郡之地名雖有不同諸郡之才人亦為迭見蓋地雖僻在邊而人才無地不生也以史考之豈不歷歷然有可言哉請具陳之臨安之地本古句町國也比抵澂江西連楚雄人則有董文彥死節於元焉蒙化之地本漢

益州郡也環堵四山襟帶西洱人則有張彥成奉使於唐焉澂江在漢置俞元邑而唐之蒙氏段氏相繼居之者也南北有湖山之勝東西分雲廣之間人則有李恢仕于蜀而有討雍閩之功封之興亭宜矣段文瑞生於元而有負土之孝授之學正宜矣麗江在漢爲越雋益州地而唐之越柝詔南詔相繼據之者也東西麗水瀾滄南北大理吐蕃人則麥宗以幼冲之年不學而識文字能通白蠻之書焉麥良以憲宗之征內附而理民政且有麥元之賢焉北勝州之名創於元其人物則有高策以酋長之裔七歲而知歸中國始蒞土官之政一日而即禁把事此其才亦不凡也金崧之名亦置于元其人物則呂凱仗節於蜀而不從雍閩之叛呂祥守節於晉而不從李雄之亂此其志亦不小也以曲靖言之漢曰興古唐曰南寧蒙氏謂之石城本要衝之地盤水之固也生於此者晉則爨浚爲本郡而爨府君碑傳於後世傅寶爲尚書郎而南州之人傑號於當時宋有爨龍顏累官龍驤有碑在納河縣可考也魏有爨雲刺史南寧有碑在陸涼州可稽也以唐言之閉珊居集精卜莖之法而細竹四十九枝輒應有筮師之稱焉阿呵制科斗之字而字母一千八百餘可通黠書之號焉我朝文教誕敷固有賢才相繼錄用者吾不暇論也

以下諸府諸州諸司人物不見於史故不錄

貴州省

貴州宣慰使司 思南府

普安州

新添徭指揮司人物

古為羅施鬼國元為八番順元此貴州之所以分域也我

朝初隸廣川雲南三司繼分貴寧新鎮三道此貴州之所以置省也蓋其地雖種類不一習俗各異然十室之邑必有忠信豈以一省之大而無人才可言者哉請具陳之貴州宣慰司乃荆梁二州之南境本西南夷地阻五溪而距盤江者也以其人物言之宋有普貴宋景陽一當開寶之初而納上卒賜王爵一摠寧遠之兵而鎮邊卒謚忠成元有阿畫乃普貴之後為順元宣撫而有征伐之功宋阿重乃景陽之後為貴竹長官而有發叛謀之忠逮至我

朝阿畫之後曰靄翠來歸而授宣慰阿重之孫曰宋欽來歸而賜名欽此皆宣慰司之人物也思南之地本禹貢荊州荒裔在楚為黔中漢為武陵之境其人則宋有田佑恭始為蕃部有被召之禮儀不類夷人馬繼事蜀師有破賊之功績見嘉靈書曰馬普安之地本禹貢梁州界在古為伎郎在漢為牂牁之境其人則元有益智始為土酋有謀畧而人推其賢焉終為宣慰有威信而人服其能焉至於新添之地本古荒服初為麥新而新添之名改於嘉泰也初屬湖廣而貴州之屬始於永樂也其地四山排戟一水縈紆人生其間宋則有宋勝馬鎮守麥新之地元則有宋朝美馬安撫葛蠻之域皆有可稱也我

朝人物雖不可考然儒教漸興而為禮多慕中國間有嚮意詩書登科出仕者矣

以下諸府諸司諸州諸衛人才不見於史故不錄

所編博物策會卷之十七終

博物策會序

余聞屏石戴君濟學洪才嘗著通鑑品藻博物策會二集品藻刻之福建策會尚未有刻也嘉靖丁酉按遊關中適值開科三秦士子聞而請之屏石未許也今年戊戌同寅侍御李君駐蹕會城三學諸生因申舊請屏石始出二集與李君觀焉李曰嘉惠後學以廣聞見無踰

此集不可以不之傳也矧風宣度舉之
後而於多士也遺獎訓惠迪之澤惡乎
不可歸乃檄諸司府用刻以布而藩省
諸君以策會序屬余曰余觀此集因地
以繫人因人以撮事採摘旣密考覈亦
詳每一展卷而天下古今人物無遺覽
矣是可以不之傳耶余嘗謂策士掄才
傳自古昔雖賈黃公孫亦借知遇然其
時發問簡直敷陳汗漫猶有弗難者自
有宋以迄我

明擬格定體精確該備先之以逞哲次之
以時事或隱名求行或擧事索人而對
者詞義雖脩旨歸多昧博雅君子每興
歎焉孟子曰誦其詩讀其書不知其人可
乎是以論其世也蓋詩書之載記亦博
矣古今之才賢亦衆矣誦而讀之讀而

論之不有囊括凡備之書而徒馳騫羣
籍紛稽衆典雖白首有弗能識者以是
知策會一集必沛然傳世也學者能熟
讀乎此持以應選如洪鐘在虞一扣驚
人何慮乎天下古今之邈且難哉此特
爲科目言耳若能卽論世之志盡尚友
之功逆志程賢法德則行學道之功亦
在乎是矣春三月甲戌太微山人關中

張治道序

149
卷之九

同治
庚午

大正

聖